

M. T. Larsen
in
I. Spar (Ed.)
**Tablets, Cones, and Bricks of the Third and Second
Millennia B.C.**

Cuneiform Texts in the Metropolitan Museum of Art, Volume I
New York 1988, 92-143, Pl. 66-109

Besprechungen:

H. Hirsch, AfO 38/39, 1991-2, 182-187
Janssen, BO 48, 1991, 174

CTMMA I, 71

- Kopie: CTMMA I, Pl. 66;
Mus.-Nr.: MMA 66.245.2
Lit.: 23-27: Larsen, FS Veenhof 278A.;
- Vs. 1 *a-na Puzur₄-A-šùr / qí-bi-ma*
um-ma Bu-za-zu-ma / a-dí-i
26 *ma-na KÙ.BABBAR qá-tim*
ša A-ḫa-ḫa / ša a-ma-kam / iš-tí
5 *En-num-A-šùr / DUMU Šál-mì-ḫi-im*
al-qé-ú / a-nì-ša-am
a-tí-ik-lá-ma / um-ma a-na-ku-ma
i-na e-ra-bi-a-ma / URUDU a-na
Pu-ru-uš-ḫa-tim / ú-šé-ra-áb-ma
10 *KÙ.BABBAR 10 ma-na / pá-ni-a-ma*
ša e-pu-šu / ú-šé-ba-al-ší-im
a-dí / u₄-mì-im / a-nim / ḫa-ra-num
i-ta-as-ke-er-ma
KÙ.BABBAR 10 ma-na / ú-lá im-ta-aḫ-ra-ni
u.K. 15 *a-bi a-ta / a-ma-kam*
En-num-A-šùr / e <i>-ta-lá-ak-ma
a-wa-tum / e ú-ší-ší-ma

- Rs. *lu-mu-un / li-bi-im*
ra-bi-a-am / ša a-dí / ba-al-ṭá-ku=ni
- 20 *e ar-ší-ší-im / a-bi a-ta*
ú šu-ma / i-ta-lá-ak
ú šu-ma / a-ma-kam / sà-ḥe-er
a-ma-kam / ší-it-al-ma / ki-ma
i-na a-lim^{ki} / lu-mu-un
- 25 *li-bi-im / lá ta-ra-ší-a-ni*
a-wa-tám / iš-té-et /
wa-sú-um-tám / úz-ni / pì-té
iš-tí / Lá-qé-pì-im / té-er-ta-kà
za-ku-tum / ša ta-né-eh-tí (Ras.)
- 30 *li-bi₄-a / li-li-kam*
Lá-qé-pu-um u₄-ma-kál / lá i-bi₄-a=at
a-bi₄ a-ta / ku-a-tí / ta-ak-lá-ku
a-lá-nu-kà / a-ba-am / ša-ni-a-am
- o.K. *ú-lá i-šu / a-dí / ša Π₅-we-da=ku*
- 35 *ki-ma / a-na-kam / DUMU Lu-zi-na*
ša-aq-tù-šu / um-ma a-na-ku-ma
GÍR ša A-šùr
- l.S. *ú^l-ša-aš-bi₄-sú / ú-wa-er-šu-ma* NB: oder *e <tù>-ša-?*
a-na ga-me-er-tim / uš-ta-zi-iz
- 40 *a-ma-kam / ki-ma / a-li-ki / pá-ni-šu i-na*
TÚG.ḤI^{tí}-šu / qá-sú / i-dí-i

CTMMA I, 72

- Kopie: CTMMA I, Pl. 67;
Mus.-Nr.: MMA 66.245.11
Lit.: Michel, LAPO 19, 202;
28-32: Barjamovic, Geography A.621;
28-34: Veenhof, OBO 160/5, 215. AKT V, A.94;
- Vs. 1 *um-ma Im-dì-DINGIR En-nam-Be-lúm*
ù A-šùr-šù-lu-li-ma
a-na Puzur₄-A-šùr qí-bi-ma
50 *ku-ta-ni-kà (Ras.)*
- 5 15 GÍN.TA *a-na 20 ḥa-am-ša-tim*
i-šé-er tám-kà-ri ni-dì-i

- tám-kà-ru-kà / ke-nu lá ta-pá-lá-aḥ*
ki-ma ni-a-ti / ù ku-a-ti
i-ba-ší-ú 1 me-at ku-ta-ni
 10 *ù 4 ANŠE.ḪI.A / iš-ti Šu-Be-lim*
a-na Wa-aḥ-šu-ša-na
a-na ší-a-ma-tim nu-šé-ba-al
ù I-dì^dIM iš-ti Šu-Be-lim
ni-tá-ra-ad ší-im ṣú-ba-ti-kà
 15 *1 me-at ša Šu-Be-lím a-na*
 u.K. *Wa-aḥ-šu-ša-na ú-bu-lu*
KÙ.BABBAR^{ap}-šu i-na e-lá-i-kà
i-ma-ḥa-ar
 Rs. *ù ší-ti ṣú-ba-ti-kà 15 GÍN.TA*
 20 *a-na 20 ḥa-am-ša-tim*
i-šé-er tám-kà-ri ke-nu-tim
ša a-na KÙ.BABBAR^{pi}-kà lá ta-ša-ḥu-ṭù
ni-na-dì-ma / <<SAL>> ù KÙ.BABBAR
ma-lá i-šé-er tám-kà-ri
 25 *ni-na-dì-ú ù šu-mì tám-kà-ri=kà*
nu-lá-pá-at-ma te₉-er-tí-ni
za-ku-tum i-lá-kà-kum
a-wa-at kà-ri-im da-na
a-dì-i pá-zu-ur-ti-kà
 30 *ša ta-áš-pu-ra-ni lá na-ṭù=ma*
a-dì-i / pá-zu-ur-ti-kà
lá ni-ša-pá-ra-kum a-ta
ma-lá-kà tap-pá-e-kà lá ta-da-gal
 o.K. *ša-šé-er*

CTMMA I, 73

Kopie: CTMMA I, Pl. 68f.;

Mus.-Nr.: MMA 66.245.1

- Vs. 1 *a-na Im-dí-lim / En-na-Be-lim*
ù A-šur-ṣú-lu-lì
qí-bi₄-ma um-ma Puzur₄-A-šur=ma
a-ša-me-ma / a-li-ku-ú
 5 *iš-tí-a ša a-Kà-ni-iš*

- iš-tù / Tí-me-el-ki-a*
e-tí-qú-ni-ni / tup-pá-am
ša kà-ri-im / i-na Hu-ra=ma
iš-me-ú-ma / a-ma-lá
 10 *té-er-tí / kà-ri-im*
kà-al-ú / šu-ma
a-li-ku-ú / iš-té-e-a
a-Kà-ni-iš / e-ta-ar=bu-nim
té-er-ta-ku-nu
 15 *li-li-kam-ma*
 u.K. *ú a-na-ku / le-tí-qam*
mì-šu / ša a-ma-kam
 Rs. *A-mur-DINGIR / e-ta-wu-ú*
um-ma šu-ut-ma / ni-kà-sí
 20 *iš-tí-a / ší-sí-a-ma*
ni-ip-lá-tí-a / dí-na-nim
 1 *ma-na KÙ.BABBAR a-na qá-tí-šu*
i-na wa-ša-i-šu
a-dí-šu-um / a-ḥa-ma / i-na
 25 *a-lim^{ki} / ša 15 ma-na*
AN.NA qá-tim / ša ki-ma
šu-a-tí / ú-sà-li-ú-nim-ma
KÙ.BABBAR / a-dí-šu-nu-tí
na-áš-pá-ar-tám
 30 *ša ša-zu-uz-tí-šu*
na-áš-a-ak-šu-um
a-dí-i / a-lá-kà-ni
iš-tí-šu / lá ta-ša-sí=a
 o.K. *šu-ma / a-ma-kam (Ras.)*
 35 *kà-ša-ru-ú-a / mì-ma KÙ.BABBAR*
 l.S. *e-ri-šu-ku-nu lá ta-da-na-šu-nu-tí*
TÚG^{ba-tù}-a ma-lá i-na É.GAL^{lim} ú-ṣu-ni-ni
a-dí a-lá-kà-ni li-ib-ší-ú
ù ANŠE.ú-a li-zi-zu-ú

CTMMA I, 74

- Kopie: CTMMA I, Pl. 70f.;
- Mus.-Nr.: MMA 66.245.4
- Lit.: 2-4: Michel, CRRAI 38, 143A, 32;
- Vs. 1 [a-n]a *Im-dí-lim qí-bi-ma*
um-ma A-šùr-DU₁₀-ma i-na
 40 *ma-na AN.NA pá-ni-im*
 ú 20 *ku-ta-ni ša šé-pì-a*
- 5 12 *ma-na AN.NA mu-tá-e*
ú-ša-ḫe-er 1 ma-na AN.N[A d]a-[ta]=am
 É *kà-ri-im ú-ša-ḫe-[er]*
i-na 60 ku-ta-ni ša šé-ep
E-na-Be-lim 30 ku-ta-nu
- 10 *mì-iš-lu-ú-a 1 1/2 ku-ta-nim*
ni-is-ḫa-tum 3 ku-ta-nu 10^{tum}
iš-té-en ša É kà-ri-im
ší-tí TÚG.ḪI.A 25 1/2 ku-ta-nim
 [Š]À.BA 21 *ku-ta-ni a-na*
- u.K. 15 [D]an-A-šùr DUMU *Ku-zu-za-ri-im*
- Rs. [t]a-dí-in 4 1/2 *ku-ta-nim*
 [i]-li-bi₄-kà 1 TÚG *me-tum*
 [5] a-na É *kà-ri-im a-dí-in*
 [š]í-tí TÚG.ḪI.A 5 1/2 *ku-ta-nim*
- 20 1 *ma-na 6 GÍN KÙ.BABBAR ší-im=šú-nu*
ší-im AN.NA 4 ma-na
 ŠUNIGIN 5 *ma-na KÙ.BABBAR LÁ 6 GÍN*
a-na E-na-Be-lim a-dí-in
 (Rest unbeschr.)

CTMMA I, 75

- Kopie: CTMMA I, Pl. 72f.;
- Mus.-Nr.: MMA 66.245.10
- Lit.: Michel, LAPO 19, 112;
 34-35: Barjamovic, Geography 91, A.76;
 39: ICK IV, S.83;
 46-47: Albayrak, Diss. 66;

- Vs. 1 [um]-ma A-šùr-i-mì-tí Šu-Ištar En-na-nim
 ù Pu-pu-ra-nim-ma a-na Im-dí-lim
 [qí-b]i-ma 1 GÚ KÙ.BABBAR ku-nu-ki-kà A-mur-Ištar
 [ub]-lam 12 ma-na KÙ.BABBAR ku-nu-ki-kà
 5 A-šùr-ma-lik ub-lam ŠÀ.BA (Ras.)
 8 GÚ 40 ma-na AN.NA ku-nu-ki-ni
 50 ma-na AN.NA^{ak} qá-tim 16 GÍN=TA
 KÙ.BI 35 $\frac{2}{3}$ ma-na a-ḥa-ma (Ras.)
 $\frac{2}{3}$ ma-na KÙ.BABBAR a-qá-tí A-mur-Ištar nu-ší-ib
 10 1 me-at TÚG ku-ta-nu qá-dì ša li-wi-tim
 9 $\frac{1}{3}$ ma-na KÙ.BABBAR it-bu-lu i-na
 na-áš-pá-ar-tí-ni 1 $\frac{2}{3}$ ma-na LÁ 2 GÍN.TA
 KÙ.BABBAR ni-sí-ma ni-iš-pu-ra-kum wa-ar-kà=num
 1 $\frac{1}{2}$ ma-na 7 GÍN.TA KÙ.BABBAR ni-dí-in
 15 4 $\frac{1}{3}$ GÍN KÙ.BABBAR 1 TÚG ša sà-e-tim ni-im-ší-ma
 ú-lá ni-il₅-pu-ta-kum 7 ANŠE ša-lá-mu
 1 $\frac{5}{6}$ ma-na 3 GÍN KÙ.BABBAR it-bu-lu
 $\frac{1}{3}$ ma-na KÙ.BABBAR ú-nu-ut ANŠE.ḪI.A
 u.K. 2 $\frac{1}{2}$ GÍN ú-ku-ul-tí ANŠE.ḪI.A
 20 $\frac{1}{2}$ ma-na bé-ú-lá-tí-šu 2 GÍN lu-bu-šu
 Šà-ak-lá-num il₅-qé $\frac{1}{2}$ ma-na
 Rs. bé-ú-lá-at šú-ḥa-ri-šu 2 GÍN lu-bu-šu
 A-mur-Ištar il₅-qé 7 $\frac{1}{3}$ GÍN KÙ.BABBAR ig-ri
^dUTU-DU₁₀ Ší-ma-at-A-šùr tal-qé
 25 5 GÍN KÙ.BABBAR ^dUTU-DU₁₀ il₅-qé 15 GÍN KÙ.BABBAR
 té-šú-bi A-mur-Ištar il₅-qé $\frac{1}{3}$ ma-na 5 GÍN
 wa-ší-tum mì-ma a-nim ku-nu-ki-ni
 A-mur-Ištar ub-lá-kum 2 GÚ 10 ma-na AN.NA
 ku-nu-ki-ni 8 ma-na 7 $\frac{1}{2}$ GÍN KÙ.BABBAR
 30 it-ba-al 10 ma-na AN.NA^{ak} qá-tim
 $\frac{2}{3}$ ma-na KÙ.BABBAR it-ba-al 10 TÚG ku-ta=nu
 qá-dí ša li-wi-tim $\frac{5}{6}$ ma-na KÙ.BABBAR šíim-šu-nu
 1 ANŠE 17 GÍN KÙ ší-im-šu 2 $\frac{1}{2}$ GÍN
 ú-nu-ut ANŠE 8 GÍN KÙ.BABBAR mì-ša-al
 35 sà-ri-dim a-na A-šùr-ma-lik ni-dí-in
 5 GÍN wa-ší-tum mì-ma a-nim
 A-šùr-ma-lik DUMU Èr-ra-a na-áš-a-kum
 5 GÍN KÙ.BABBAR ni-is-ḥa-at 2 ma-na KÙ.BABBAR
 ša NA₄.ZA.GÌN ni-iš-qúl ší-tí KÙ^{pi}-kà
 40 11 $\frac{5}{6}$ ma-na LÁ 1 GÍN a-na 10 ma-na KÙ.BABBAR

- o.K. É *Bé-lá-nim* DUMU *Nu-ur-Ištar ni-iš-a-ma=kum*
 a-na 3 *ma-na* 5 GÍN KÙ.BABBAR É
 Šu-Be-lim ni-iš-a-ma-kum KÙ.BABBAR *iš-tí*
 Ší-ma-at-A-šùr ni-il₅-qé-ma
 l.S. 45 [*ni-iš*]-*qúl* 5 *ma-na* KÙ.BABBAR *i-na lu-qu-tim a-ni-tim*
 [*ni*]-*dí-ší-im* 5 *ma-na* KÙ.BABBAR *a-na ší-im* É
 Šu-Ĥa-bu-ra a-na li-mì-im ni-iš-qúl ší-tí
 KÙ^p-*kà* (Ras.) 1 ⁵/₆ *ma-na* (Ras.)

CTMMA I, 76

- Kopie: CTMMA I, Pl. 74;
 Mus.-Nr.: MMA 66.245.3
 Lit.: Erstveröffentlichung Kümmel, WO 5, 1969, 32ff.;

- Vs. 1 *a-na A-šur-e-mu-qí*
 qí-bi-ma um-ma Da-dí-a-ma
 Lá-qé-pu-um DUMU *A-kà-zi*
 3 *ma-na* KÙ.BABBAR *ĥa-bu-lam*
 5 *ṭup-pu-šu ĥa-ar-ma-am* (Ras.)
 ú-kà-al be-ú-lá-tí-a
 ú-kà-al a-ĥa-ma
 7 *ma-na* AN.NA
 a-na ší-a-ma-tim
 10 *a-dí-šu-um ŠÀ.BA*
 3 *ma-na* LÁ 1 GÍN AN.NA
 ú-ta-e-ra-am
 u.K. 4 *ma-na* 1 GÍN
 i-li-bi₄-šu ù ¹/₃ ma-na =KÙ.BABBAR
 Rs. 15 *i-ba-áb-tí-a il₅-qé /*
 ù ni-kà-sí ma-du-tim =iš-tí=šu
 ki-ma a-wi-lim
 lam-nim / e-pu-ša-ni-ma
 pu-uz-ra-am
 20 *i-pá-ni-a iṣ-ba-at ma=a*
 ù ĥa-ra-an
 li-bi₄-šu / uk-ta-na=ša-ad

- a-ḥi a-ta a-ma-kam*
 25 *mì-ma i-qá-tí-šu i-ba-ší=ú*
ṣa-ba-at ù a-šar
lu-qú-sú iš-tí a-ḥi-im
 o.K. *i-ba-ší-ú / ṣa-ba-at*
lu e-ta-lá-at
 30 *ú šu-a-tí iš-tí-<kà>*
šé-ri-a-šu
 l.S. *šu-ma mì-ma i-qá-bi₄*
a-kà-ri-im ri-dí-šu (Ras.)
ša iš-mu-ḥu-ma i-pá-ni-a
 35 *i-be-ru-ú*

CTMMA I, 77

- Kopie: CTMMA I, Pl. 75f.;
 Mus.-Nr.: MMA 66.245.7
 Lit.: 3-7: Sturm, FS Oelsner 483A.9;
 7-20: Michel, JAOS 118, 329A.31;
 20-32: Michel, JAOS 118, 330A.39;
- Vs. 1 *um-ma Šu-Lá-ba-an-ma*
ù A-šur-i-mì-tí
a-na A-šur-e-mu-qí
A-mur-A-šur / A-šur-ma-lik
 5 *ú ša ki-ma Im-dí-lim*
a-ma-kam / i-za-zu
qí-bi₄-ma / ni-ša-me-ma
TÚG.ḪI.A / sá-sá-am
lá-áp-tù mì-šu-um
 10 *TÚG.ḪI.A / lá ta-šu-ra-ma*
té-er-ta-ku-nu lá i-li=kam
ú šu-ma Im-dí-lúm
lá pá-ṭá-ra-am
iq-bi₄-a-ku-nu-tí
 15 *i-dí / ki-ma a-dí*
u₄-mì-im a-nim
 u.K. *ta-pá-ḥu-ra-ni*
Im-dí-lúm a-na

- Rs. *Pu-ru-uš-ḥa-t[im]*
 20 *i-ta-lá-ak a-ḥu-ni*
a-tù-nu lu ša
Šu-Lá-ba-an lu ša
A-šur-i-mì-tí / ma-lá
 TÚG.ĤI.A *i-ra-de₈-ú*
 25 *na-pì-ša-ma sá-sá-am*
lá-áp-tù / lá lá-áp-tù
té-er-ta-ku-nu / li-li-kam
u₄-ma-kál / ḥu-ša-ḥa-ku-nu
i-dá-ma a-šū-mì-ni
 30 TÚG.ĤI.A / *ma-aḥ-ri-ku-nu*
lu na-pì-šū-ma / ú i-ku-nu-ki=ku-nu
ku-un-kà-šū-nu
 KÙ.BABBAR 3[?] 1/2 GÍN *ší-im*
šū[?]-ri-im / ṭá-ab-tí
 o.K. 35 *ag-ra-ma a-na*
Im-dí-lim ú ša ki-ma[!]
 Ma-ší-DINGIR
 l.S. *ú Bu-ší-a / a-na Kà-ni-iš*
 TÚG.ĤI.A *lá-áp-tù lá lá-áp-tù*
 40 *té-er-ta-ku-nu / li-li-ik*

CTMMA I, 78a

- Kopie: CTMMA I, Pl. 77;
 Mus.-Nr.: MMA 1983.135.4a
 Lit.: Michel, LAPO 19, 380;
 5-11, 31: Hecker, NABU 1990/139;
 Foto: CTMMA I, Pl. 134;
 Anm.: 2 Tafeln(a, b) aus einer Hülle (c);

- Vs. 1 *a-na Wa-al-ḥi-iš-na*
ù Ku-na-ni-a qí-bi-ma um-ma
A-šūr-mu-ta-bi₄-il₅-ma a-na
Wa-al-ḥi-iš-na / qí-bi₄-ma
 5 1 *ma-na KÙ.BABBAR / lu a-nu-qú-ša*
lu tù-dí-na-tum / i-na a-lim^{ki}
A-šur / ša a-ḥa-tí-ki / al-qé-e

- ù *a-ma-kam* / *ú-ša-ḫi-si*¹
um-ma a-na-ku-ma a-KÙ.BABBAR^{pi} -*ki*
 10 *ša al-qé-ú* / *a-ma-tum*
ki-lá-al-ta-ma / *lu ku-a-a-tum*
áš-ta-na-me-ma / *Bu-za-zu*
a-ma-tí-ki / *iṣ-ba-at*
 u.K. *i-tá-ba-tim* / *a-ma-tí-im*
 Rs. 15 *pu-nu-a-ma* / *lu-ší-ru-ni-ki-na-tí*
šu-ma / *e-mu-qí*
e-ta-wu-ú / *ma* / *a-ma-tim*
lá ú-ša-ar / *a-dí-ni-im*
ku-uš-da / *a-ma-tum* / *ku-a-a=tum*
 20 ^{1/3} *ma-na* 5 GÍN KÙ.BABBAR
e-zi-ba-ki-im / 5 GÍN KÙ.BABBAR
Ni-ša-šar / GÉME *ša É a-bi₄-ki*
ú-šé-bi₄-lá-ki-im / *iš-té-ni-iš*
^{1/2} *ma-na* KÙ.BABBAR / *e-zi-ba-ki-im* (Ras.)
 25 *ša* 7 GÍN KÙ.BABBAR / *še-am*
Kál-kà-lí-a / *li-dí-na-ki-im*
 o.K. *ku-nu-ki* / *ša É*^{be-tim}
ša-ší-ri / *a-ki-dim*
lá ta-ta-na-ší-i
 l.S. 30 *be-tám* [*u*]ṣ-ri / *Ša-at-A-šur*
lá tù-mì-ší / *e-me-ra-am*

CTMMA I, 78b

- Kopie: CTMMA I, Pl. 77;
 Mus.-Nr.: MMA 1983.135.4b
 2, 4: Hecker, Nabu 1990/139;
 Anm.: „2. Blatt“ zu 78a;
 Vs. 1 *ša-a-mì-ma*
ma-áš-e-er-tum
a-šú-ḫa-ar-tim
li-bi-ší / *a-dí*
 5 *e-ni-a* / *ta-me-ri-ni*
li-ba-am / *a-li-bi₄-ki*
dí-ni-i

CTMMA I, 78c

Kopie: CTMMA I, Pl. 77;
 Mus.-Nr.: MMA 1983.135.4c
 Foto: Siegel 29: CTMMA I, 146;
 Anm.: Hülle zu 78a-b;

Vs. 1 *a-na Ir-ma-A-šùr*
 (Siegelabr. A/29)
Wa-al-ḫi-iš-na ù
Ku-na-ni-a KIŠIB *A-šur-mu-ta-bi₄-il₅*
 (Siegelabr. A/29)
 u.K. (Siegelabr. A/29)
 Rs. (Siegelabr.en)
 o.K. (Siegelabr. A/29)
 l.S. (Siegelabr. A/29)
 r.S. (Siegelabr. A/29)

CTMMA I, 79

Kopie: CTMMA I, Pl. 78;
 Mus.-Nr.: MMA 66.245.8

Vs. 1 *um-ma* ^dNIN.ŠUBUR-*ba-ni-ma*
a-na A-mur-DINGIR qí-bi-ma
ta-áš-pu-ra-am um-ma a-ta=ma
a-šu-mì TÚG.ḪI.A *ša ik-ri-bi₄-a*
 5 *úz-ni pì-té* TÚG.ḪI.A *i-na*
Pu-ru-uš-ḫa-tim a-na 10 ḫa-am=ša-tim
 DAM.QAR *a-qí-ip-ma*
u₄-mu-šu / ma-al-ú
iš-tù ITU.KAM *šú-ḫa-ra-am*
 10 *a-na Pu-ru-uš-ḫa-tim*
a-šé-er Ú-šur-ša-A-šur
áš-ta-pár DAM.QAR KÙ.BABBAR
ú-ša-áš-qal-ma ú-šé-ba-lá=kum
 u.K. DAM.QAR IGI *Ú-šur-ša-Ištar*
 15 *a-qí-ip-šu a-ma-kam*

- Rs. *ša-il₅-šu a-ḥi a-ta*
eb-ri a-ta sà-ḥe-er-tum
ša i-na ṭup-pì-a
lá-pu-ta-at-ku-ni ù TÚG=HI.A
- 20 *a-na li-tab-š[í-a] šé-bi₄-lam*
ba-lúm TÚG.HI.A [wa-áš]-ba-ku
lu-be-er-šu / ú[?] [ḥu-l]a-li
la-bu-ša-ku x x x ni-A-šur
a-ša-me-ma a-na Tur₄-ḥu-mì-it
- 25 *ḥa-ra-kà a-pu-tum i-ḥi-id=ma*
ba-bi₄-iš TÚG.HI.A ù AN.NA
ri-e-šu-nu na-áš-ú-ni
- o.K. *lá-ma ma-ma-an e-tí-qá-ni*
et-qá-ma KÙ.BABBAR 1 ma-na
- 30 *ù 2 ma-na šé-li*
- l.S. *a-ḥi a-ta 1 mu-sà-ra-am*
SIG₅ a-na qá-áb-li-a
šé-bi₄-lam e-ri-im-tám
i-qá-áb-li-a ša-ak-na-ku

CTMMA I, 80

- Kopie: CTMMA I, Pl. 79;
Mus.-Nr.: MMA 66.245.9
Lit.: 6-7: Barjamovic, Geography A.1349;

- Vs. 1 *um-ma Sú-en₆-na-da*
DU₁₀-ší-lá-A-šur ù Púzur-Ištar=ma
a-na I-na-ra-wa
A-ni-na ù Ḥa-dí-a-ni
- 5 *qí-bi₄-ma / šu-ma / taš-pu-ra=ma*
i-na té-er-tí ú-bar=tim
ša Uš-ḥa-ni-a
sá-ra-dam / qá-bi₄-a-tù=nu
sé-er-da-ma
- 10 *ḥa-ra-ku-nu / a-tal-kà*
šu-ma / ší-pár-ni
- u.K. *ik-da-áš-da=ku-nu*
- Rs. *i-na [x x]-al*
a-dí / té-er-tí-ni

- 15 *za-ku-tum / i-lá-kà-a-ku=nu-tí-ni*
lu kà-al-a-tù=nu
ù a-tù-nu / a-šé-er
Aḥ-ša-lim ù ú-bar-tim
šū-up-ra-ma / ú-za-ku=nu
- 20 *a-šar / pá-ta-e-em*
li-ip-té-ú
 KÙ.[BABBAR x] GÍN *a-na*
- o.K. *A-bi₄-DU₁₀ dí-na*
u₄-ma-kál A-bi₄-DU₁₀
- l.S. 25 *lá i-bi₄-a-at*
ṭur₄-da-ni-šū

CTMMA I, 81a

- Kopie: CTMMA I, Pl. 80;
 Mus.-Nr.: MMA 1983.135.6a
 Lit.: Larsen, OAA I, 93;
 18-21: Michel, CRRAI 38, 147A.54;
 Anm.: Tafel zu 81b;

- Vs. 1 *a-na A-šur-be-el-a-wa=tim*
ša ki-ma A-lá-ḥi-im
ú A-li-li / Ḥi-na-a
ú A-šur-na-da / qí-bi₄-ma
- 5 *um-ma A-šur-be-el-<ma-al>-ki-in-ma*
a-na KÙ.BABBAR / bu-lá-tí-a
ša a-na a-lim^{ki} tù-šé-bi₄-lá=ni
A-lá-ḥu-um A-šur-i-dí
ú A-li-li i-zi-zu=šū-ma
- 10 2 GÚ AN.NA *ku-nu-ku*
 8 TÚG 8 *ma-na*
 AN.NA^{ak} *qá-tim*
- u.K. *i-dí-nu-nim*
i-na ba-áb a-bu-lim
- Rs. 15 *ú-dí-ú-nim*
um-ma šū-nu-ma am-ma
Ú-šú-ur-ša-A-šur ki-ma
ni-a-tí Ú-šú-ur-ša-A-šur
i-na a-lim^{ki} ik-ta-lá

- 20 *a-na-ku iš-tí* ELLAT^{tí}-*a-ma*
a-na Ur-šu a-ta-lá-ak
a-na Ur-šu té-er-tí
Šu-Ku-bi₄-im ik-šu-dí-ma
i-na té-er-tí / Šu-Ku-bi₄-im
- 25 AN.NA / *a-na šu-ul-hi=im* NB: nach Kopie, OAA I *šu-ul¹-hi*
ta-e-er (Ras.) *ki-ma*
- o.K. TÚG.HI.A / *na-ak-šu-n[i]*
AN.NA *a-na* 4 GÚ [URUDU] NB: „4“ nach Kopie
- l.S. *ú-ta-er lu-qú-tí / za-ar-a-at ú-pá-ha-ra=ma*
- 30 *a-na re-eš₁₅ da-áš-e / a-ta-lá-kam*

CTMMA I, 81b

- Kopie: CTMMA I, Pl. 81;
Mus.-Nr.: MMA 1983.135.6b
Foto: Siegel 30: CTMMA I, 147;
Anm.: Hülle zu 81a;
- Vs. (Siegelabr. A/30)
- 1 *a-na A-šur-be-el-a-wa-t[im]*
ša ki-ma A-lá-hi-im
A-li-li / Hi-na-a
ú A-šur-na-da
(Siegelabr. A/30)
- 5 KIŠIB *A-šur-be-el-ma-al=ki-im*
- u.K. (Siegelabr. A/30)
Rs. (Siegelabr.en)
o.K. (Siegelabr. A/30)
l.S. (Siegelabr. A/30)
r.S. (Siegelabr. A/30)

CTMMA I, 82

- Kopie: CTMMA I, Pl. 82;
Mus.-Nr.: MMA 66.245.6
Anm.: Archiv: Kryszat, FS Veenhof 266;

- Vs. 1 [a-na] I-dí-Išta[r ù]
 [A]-zu-a qí-bi-m[a um-ma]
 Ší-li-^dIM-[ma ša]
 ki-ma i-a-tí / [i-na]
- 5 ni-kà-sí / ú-ša-[zi-iz]-kà
 2 ANŠE A-zu-a i-ra-de₈-a=kum
 11 GÍN DUMU En-na-Sú-en
 ša Kà-ri-na-an / li-ší
 iz[?]-ku-ni 12 GÍN na-áš-[a]-k[um]
- 10 iš-tù 5 ša-na-a[t]
 u.K. [t]a-ad-mì-iq-ti x [...]
 [t]ù[?]-kà-a-al 4 x [...]
 ša x x x x 4 [...]
 NA₄.GÌ[N[?].ZA] x [...]
- Rs. (7 Zz. weitgehend abgebr.)
- 22 a-wa-ti[?] [x x x] šu-ma
 wa-áš-ba [x x x] na ma
 ší-im-ší-n[a x x x] x kum
- 25 ITU.KAM a-[x x x] ma
 li-ší [x x] ma[?] ù
 ma x [x x] ší-tí x
 ANŠE [x] a-ti-i x [...]
 x zu la ta ší [...]
- o.K. 30 [x x] um-ma x [...]
 [x x x] x x x ku x [...]

CTMMA I, 83

Kopie: CTMMA I, Pl. 82;
 Mus.-Nr.: MMA 58.108

- Vs. (abgebr.)
- Rs. 1' 2^{ší-ta} na-áš-pè-r[a-tum]
 ša I-ku-pí-a
 2^{ší-ta} na-áš-pè-ra-[tum]
 ša ki-ma i-a-tí
- 5' ŠUNIGIN 4 na-áš-pè-ra-tu[m]
 i-li-bi₄-ša lá-pí[...]
 ku-nu-ki-a ^dUTU-ba-ni

na-áš-a-kum
ša-áš-me-šu-nu-[ma]
 o.K. 10' *x-er-ší-n[a]*

CTMMA I, 84a

Kopie: CTMMA I, Pl. 83, 84, 137, 138;
 Mus.-Nr.: MMA 66.245.5a
 Lit.: Hecker, TUATNF I, 50f.;
 4-9: Albayrak, Diss. 102f.;
 17-18, 23-24: Michel, FS Garelli 268A.90;
 32-38: Dercksen, OACTA A.525;
 37-38: Bayram, ArAn 3,42A.3;
 50, 73-75, 77-79: Michel-Foster, JCS 41, 44A.19;
 50-54: Larsen, BiMes 6, 105A.66;
 55-61: Albayrak, Diss. 81;
 79-81: Michel-Foster, JCS 41, 52A.63;
 81: Michel-Foster, JCS 41, 44A.19;
 94: Bayram, ArAn 4, 40;
 101-102: Michel, FS Garelli 257+A.17;
 vgl. Veenhof, FS Houwink ten Cate 326; AoF 35, 11A.2;
 Foto: CTMMA I, Pl. 137-138; Vs.: Larsen, Beyond Babylon 74;
 Anm.: Tafel zur Hülle 84b;

Vs. 1 *a-na ma-lá dí-in₄ kà-ri-im Kà-ni-iš*
ša-ḫe-er GAL Sú-en₆-na-da En-um-A-šur
iš-a-al um-ma Sú-en₆-na-da-ma a-na
En-um-A-šur-ma a-na-ku ù am-tí i-na Kà-ni-iš
 5 *wa-áš-ba-ni-ma a-ta a-na Tur₄-ḫu-mì-it*
ta-lik-ma ša mì-ma lá ḫa-bu-lá-ku-ni
e-ta-lu-tám té-pu-uš-ma a-na É wa-áb-ri-a
té-ru-ub-ma 2 ta-ma-lá-ki ku-nu-ki-a ù ú-tù-ub-tí
tù-šé-ší i-na li-bi₄ ta-ma-lá-ki-a
 10 1 *ṭup-pu-um ša 12 ²/₃ ma-na KÙ.BABBAR i-šé-er*
I-dí-Ištar ù Sú-en₆-na-da Í-lí-a-lúm i-šu
 1 *ṭup-pu-um ša 10 ma-na KÙ.BABBAR i-šé-er Sú-en₆-na-da*
tám-kà-ru-um i-šu-ú 1 ṭup-pu-um ša a-na ḫu-bu-lim
a-ni-e-em I-dí-Ištar i-za-za-ni-i 1 ṭup-pu-um

- 15 $\frac{1}{2}$ ma-na KÙ.BABBAR i-šé-er Sú-en₆-na-da ù ^dUTU-tap-pá-i
 Ša-lim-a-ḫu-um i-šu Sú-en₆-na-da qá-ta-tum
 1 ṭup-pu-um $\frac{1}{2}$ ma-na 3 $\frac{1}{2}$ GÍN KÙ.BABBAR be-ú-lá-at
 I-dí-Sú-en₆ 1 ṭup-pu-um 15 GÍN KÙ.BABBAR ḫu-bu-ul
 Šu-ma-li-ib-ší 1 ṭup-pu-um 15 GÍN KÙ ḫu-bu-ul
- 20 Bu-lu-uṭ-be-li 1 ṭup-pu-um 15 GÍN KÙ.BABBAR ḫu-bu-ul
 DU₁₀-da-dí 1 ṭup-pu-um 4 $\frac{1}{3}$ ma-na KÙ.BABBAR ḫu-bu-ul
^dUTU-tap-pá-i 1 ṭup-pu-um 1 GÚ 20 ma-na <URUDU> SIG₅ ḫu-bu-ul
 Da-da-a 1 ṭup-pu-um 1 GÚ 2 ma-na URUDU SIG₅ ḫu-bu-ul
 I-dí-Sú-en₆ 1 ṭup-pu-um 1 GÚ URUDU SIG₅ ḫu-bu-ul
- 25 Ki-ki-da-nim 1 ṭup-pu-um 2 GÚ URUDU SIG₅ ša i-šé-er
 Sú-en₆-<<Sú>>-na-da ù Šál-ma-A-šur DUMU A-dí-a DAM.QAR
 i-šu-ú-ma Sú-en₆-na-da qá-ta-tum 1 ṭup-pu-um
 ša 40 ma-na URUDU lá-mu-nim ù 7 ma-na URUDU SIG₅
 A-du-da-<<dí>> 1 ṭup-pu-um 40 ma-na URUDU lá-mu-nu-um
- 30 ḫu-bu-ul Li-ip-tí-Ištar Pu-ùḫ-ší-a ù Šu-^dEn-líl
 1 ṭup-pu-um 30 ma-na URUDU SIG₅ be-ú-lá-at A-ta-a
 1 ṭup-<<ṭup>>-pu-um ša 30 GÚ 5 GÚ URUDU SIG₅ ša ší-im i-šú-ra=tim
 Il₅-ba-ni DUMU I-a-a ù A-šur-mu-ta-bi₄-il₅ a-ḫu-kà
 ša-bu-ú-ni-ma ù A-mur-A-šur ra-bi₄-iṣ-kà i-ša-ḫa-tí-šu-nu
- 35 i-zi-zu 1 ṭup-pu-um ša 30 GÚ URUDU SIG₅ i-šú-ra-tim
 Il₅-ba-ni ù A-šur-mu-ta-bi₄-il₅ a-ḫu-kà i-dí-nu-nim-ma
 a-na 30 GÚ URUDU SIG₅ a-na ḫu-bu-ul I-dí-Ištar
 a-na Da-šu-šu-ú a-lá-ḫi-nim a-za-zu-ni 1 ṭup-pu-um
 ša Áš-tù-ú ù me-er-a-ša Ta-ri-ša ta-áš-ú-mu-ší-na
- 40 ù ṭup-pè-e a-ḫi-ú-tim ša a-na na-áb-šé-e e-zi-bu-ni=ni
 1 ṭup-pu-um ša ku-nu-uk Ša-lim-a-ḫi-im
 ša 1 $\frac{1}{2}$ ma-na KÙ.BABBAR i-na KÙ.BABBAR^{áp} I-ku-pì-a DUMU A-ki-a-a
 Ša-lim-a-ḫu-um im-ší-ú-ma il₅-qé-ú 1 ṭup-pu-um
 ša ku-nu-uk I-ku-pì-a DUMU A-ki-a-a ša a-na 1 ma-na
- 45 KÙ.BABBAR a-na Ú-zu-a DUMU I-da-a lá i-tù-ú-ru
 1 ṭup-pa-am A-šur-ma-lik DUMU Ì-lí-iš-<tí>-kál e-zi-ba-am
 1 ṭup-pa-am qá-i-iš-ma A-mur-Ištar DUMU ḫa-lá-bi₄-im
- u.K.
 e-zi-ba-am 1 ṭup-pu-um ša dí-in₄
 kà-ri-im Tur₄-ḫu-mì-it A-ta-a e-zi-ba=am
- 50 1 ku-nu-ku-um ša I-dí-Ištar DUMU A-šur-na-da
 i-na bu-ul-tí-šu-ma 4 um-mì-a-nu-ú
- Rs.
 ik-nu-ku-ma ip-qí-du-nim ku-nu-ku-um
 ša ^dUTU-tap-pá-i i-na ku-nu-uk
 3 ma-ri um-mì-a-nim pá-aq-dam

- 55 *a-ḥa-ma ṭup-pu-ú ša ší-bi₄-a*
lu a-šu-mì-kà lu a-šu-mì I-dí-Ištar
ša i-na ba-áb DINGIR ú-ḥa-ri-mu-ú-ni
ṭup-pu-ú-a i-šú-ra-tù-ú-a
lu ta-aḥ-sí-sà-tù-ú-a ša URUDU ma-dí-ma
- 60 *mì-ma a-nim i-na 2 ta-ma-lá-ki-a*
kà-an-ku-ma ta-ma-lá-ki ku-nu-ki ù ú-tù-ub=tí
i-na Tur₄-ḥu-mì-it a-na É wa-áb=ri-a
té-ru-ub-ma e-ta-lu-tám tu-šé-ší
2 ta-ma-lá-ki ku-nu-ki-a ù ú-tù-ub-tí
- 65 *ša-am-ša-am a-ni-tám-ma šé-ší-a-ma*
a-na kà-ri-im lu nu-bi₄-il₅-šu-nu-ma
a-šé-er ku-nu-ki-a kà-ru-um Kà-ni-iš
li-ik-nu-uk-šu-nu-ma ša-am-ša-am
a-ni-tám-ma a-na-ku ù a-ta a-na a-lim^{ki}
- 70 *lu nu-ší-ma a-lím^{ki} ù be-el-ni lu-za-ki-ni-a-tí*
a-ma-lá dí-in₄ kà-ri-im Kà-ni-iš ša-ḥe-er GAL
En-um-A-šur Sú-en₆-na-da e-pu-ul
um-ma En-um-A-šur-ma a-na Sú-en₆-na-da-ma
iš-tù 3 ša-na-tim iš-tù I-dí-Ištar
- 75 *tám-kà-ri-i / i-mu-tù-ú a-na ša i-šé-er=i-a*
ù i-šé-er I-dí-Ištar tám-kà-ri-a
mì-ma lá tí-šu-ú i-na kà-ri-im Tur₄-ḥu-mì-it
e-ta-lu-tám ba-lu-um kà-ri-im ù tám-kà=ru-tim
a-na É I-dí-Ištar tám-kà-ri-a
- 80 *ša KÙ.BABBAR 5 GÚ ù e-li-iš ḥa-bu-lá-ni*
té-ru-bu-ma ma-ša-ar-tám ša tám-kà-ri-a
ta-am-šu-ḥu-ma uk-ta-na-ša-ad-kà
ù ší-be-e áš-ta-na-kà-ku-um
ù ú-ra-ki-sú-kà iš-tù 3 ša-na-tim
- 85 *i-li-ku-ma kà-ru-um Kà-ni-iš ša-ḥe-er GAL*
mì-ší-ih-kà ù sú-ri-i-kà il₅-mu-du-ú-ma
a-na kà-ri-im Kà-ni-iš ku-wa-a-tí ù tap-pá-e=kà
ú-ša-sí-ḥu-ni-ni-ma i-na kà-ri-im
Kà-ni-iš mì-iš-ḥa-am ù sú-re-e
- 90 *a-na ku-wa-a-tí ù tap-pá-e-kà az-ku-ru-ma*
ṭup-pu-ni iš-tù ITU.KAM lá-pu-tù-ni-ma
É kà-ri-im pá-aq-du-ú-ni ša a-na
É^{tí}-kà lá e-ru-bu-ma mì-ma-kà lá al-qé-ú
a-na ṭup-pè-e ma-du-tim i-na dí-tim

- 95 *ta-áš-ta-lá-a-ni ša ni-iš a-lim^{ki}*
kà-i-lá a-na a-lim^{ki} ù be-li-a
a-wa-tí / bi₄-lá ki-ma sù-re-e ù mî-iš-ḥa-am
az-ku-ru-šu-ni-ma šu-ut i-dí-tim
ú-ša-e-li-ni lá tù-na-ḥa-ni
- o.K. 100 *ú lá tù-ša-a-lá-ni ba-a-am*
ṭup-pì-ni li-ip-qí-du a-lúm^{ki}
ù ru-ba-ú-um lu-za-ki-ni-a-tí
a-na a-wa-tim a-ni-a-tim kà-ru-um Kà-ni-iš
i-dí-ni-a-tí-ma IGI GÍR ša A-šur
- l.S. 105 *ší-bu-tí-ni ni-dí-in IGI A-zu-ú DUMU Puzur₄-A-šur IGI*
^d<NIN>.ŠUBUR-ba-ni DUMU A-šur-ma-lik
Da-da-a DUMU Ni-mar-Ištar tap-pá-i-ni

CTMMA I, 84b

- Kopie: CTMMA I, Pl. 85;
Mus.-Nr.: MMA 66.245.5b
Foto: Siegel 31-32: CTMMA I, 147; Vs.: Larsen, Beyond Babylon 74;
Siegel: SiA/31 (Azu DUMU Puzur-Aššur): Teissier 292;
SiB/32: CS 626 (Ilabrat-bāni DUMU Aššur-mālik), N. Özgüç, Seal
Impr. Peruwa Pl. 222/2, Dupl. kt n/k 1844: SiC, 1967, 2066, TC
III 234b: SiA/23; Teissier 329;
- Anm.: Hülle von 84a;
- Vs. (Siegelabr. A/31)
- 1 KIŠIB A-zu-ú DUMU Pu[zur₄]-A-[šur]
KIŠIB ^d<NIN>.ŠUBUR-ba-ni [DUMU] A-šur-ma-l[ik]
a-na a-wa-tim a-ni-[a]-tim
kà-ru-um Kà-ni-iš
(Siegelabr. A/31)
- 5 *i-dí-ni-a-tí-ma IGI GÍR ša A-šur*
ší-bu-tí-ni [n]i-dí-in
Da-da-a DUMU [N]i-mar-Ištar tap-pá-i-ni
(Siegelabr. B/32)
(Siegelabr. A/31)
(Siegelabr. A/31)
- u.K. (Siegelabr. A/31)
Rs. (Siegelabr.en)

l.S. (4x Siegelabr. A/31)
 r.S. (Siegelabr. A/31)
 (Siegelabr. B/32)
 (2x Siegelabr. A/31)

CTMMA I, 85a

Kopie: CTMMA I, Pl. 86;
 Mus.-Nr.: MMA 66.245.20a
 Anm.: Tafel zu 85b; Archiv: Kryszat, FS Veenhof 266;

Vs. 1 *Hu-li-a ù A-šur-ki-ib-ri*
ki-ma DAM Sà-li-a
a-na I-dí-Ištar ir-gu₅-mu
um-ma šu-nu-ma mu-nu-a-at
 5 *Iš-me-Sú-en ša na-ru-qí-kà*
 DAM *Sà-li-a ta-áš-a-am*
um-ma I-dí-Ištar-ma
 10 TÚG *lu-bu-ší¹ a-na En-nam-A-šur*
ú-šé-bi₄-lá-šu-ma (Ras.)
 10 *En-nam-A-šur ú-la im-ḥu-ur=šu-ma*
šu-ut-ma / i-ta-ba-al-šu-nu
 2 TÚG BAR.DUL₅ *ra-qí-té-en*
 u.K. DUMU *Ku-bu-lim a-na*
 Rs. *En-nam-A-šur ú-šé-bi₄-lam-ma*
 15 *En-nam-A-šur ú-la im-ḥu-ur=ma*
šu-ut-ma i-ta-ba-al
i-šé-er mu-nu-a-ti-šu
ma-du-um i-li-bi₄-šu
la ta-ša-a-ma-ni
 20 IGI *A-šur-ma-lik DUMU DINGIR-ba-ni*
 IGI *I-sú-ri-ik DUMU UR-SIG₅*
 (Rest unbeschr.)

CTMMA I, 85b

Kopie: CTMMA I, Pl. 87;
 Mus.-Nr.: MMA 66.245.20b
 Foto: Siegel 33-34: CTMMA I, 147-148;
 Anm.: Hülle von 85a;

- Vs. (Siegelabr. A/33)
 1 KIŠIB *A-šur-ma-lik* DUMU DINGIR-*ba-ni*
 KIŠIB *I-sú-ri-ik* DUMU UR-SIG₅
ša Hu-li-a ù A-šur-ki-ib-ri
ki-ma DAM *Sà-li-a*
 5 *a-na mu-nu-a-at*
Iš-me-Sú-en
a-na I-dí-Ištar
ir-gu₅-mu-ni
- u.K. (Siegelabr. B/34)
 Rs. (Siegelabr. B/34)
ù um-ma I-dí-Ištar
 10 *lá ta-ša-e-mì*
i-šé-er
mu-nu-a-ti-šu
ma-du-um i-li-bi₄-šu
 (Siegelabr. A/33)
- o.K. (Siegelabr. A/33)
 l.S. (Siegelabr. B/34)
 r.S. (2x Siegelabr. A/33)

CTMMA I, 86a

- Kopie: CTMMA I, Pl. 88, 89;
 Mus.-Nr.: MMA 66.245.21a
 Lit.: 1-4: Michel-Foster, JCS 41, 48A.46;
 5-15: Michel-Foster, JCS 41, 47A.45;
 15-19: Albayrak, Diss. 20;
 Anm.: Tafel zu 86b; Archiv: Kryszat, FS Veenhof 266;

- Vs. 1 *Šu-Ku-bu-um*
ki-ma um-mì-šu
a-ḫa-ti-<šu> ù ki-ma
šu-a-ti i-li-kam=ma
 5 1 *ma-na* 7 ¹/₂ GÍN
 KÙ.GI *ší-ip-kà-at*
 É *Zu-zu Šu-Ku-bu-um*
 KI *I-dí-Ištar*

- il*₅-*qé* KÙ.BABBAR
 10 *a-šu-mì É Zu-zu*
 GÁN *i-tí-iq*
e-ra-áb-ma
 u.K. *i-na a-lim*^{ki}
 Rs. DUB-*šu* / *i-kà-ta=at*
 15 *a-na a-wa-tim*
a-ni-a-tim
ni-iš a-lim
ù ru-ba-im
it-mu-ú
 20 IGI *Dan-A-šùr*
 IGI *A-šùr-ma-lik*
 IGI *I-sú-rik*
 IGI *E-lá-lí*

CTMMA I, 86b

- Kopie: CTMMA I, Pl. 90;
 Mus.-Nr.: MMA 66.245.21b
 Foto: Siegel 33-37: CTMMA I, Pl. 147-148;
 Anm.: Hülle von 86a;
 Vs. (Siegelabr. A/34)
 1 KIŠIB *Dan-A-šùr*
 KIŠIB *A-šùr-ma-lik* DUMU DINGIR-*ba-ni*
 KIŠIB *I-sú-rik*
 KIŠIB *E-lá-lí* DUMU *I-dí-A-šùr*
 (Siegelabr. B/35)
 u.K. (Siegelabr. B/35)
 Rs. 5 KIŠIB *Šu-Ku-bi*₄-*im*
 (Siegelabr. C/36)
ša 1 [m]*a-na* 7 ¹/₂ GÍN
 KÙ.GI / *Šu-Ku-bu-um*
ki-ma um-mì-šu a-ḥa-tí=šu
ù ki-ma šu-a-ti
 10 KI *I-dí-Ištar il*₅-*qé-ú*
 (Siegelabr. D/33)

o.K. (Siegelabr. A/34)
 l.S. (Siegelabr. C/36)
 r.S. (2 × Siegelabr. E/37)
 Si.35 1 *Dan*^d*A-šùr*
 DUMU *I-dí-A-šùr*

CTMMA I, 87a

Kopie: CTMMA I, Pl. 91;
 Mus.-Nr.: MMA 1983.135.5a
 Anm.: Tafel zur Hülle 87b;

Vs. 1 *Puzur*₄*-A-šur*
a-na Sí-re-i ša A-bu-ša=lim
ú a-ša ki Sí-re-i
A-bi-a-a ú DINGIR-da-qí
 5 *iš-ba-at-ni-a-tí-ma*
*um-ma Pu<zur*₄*>-A-šur-ma*
a-na Sí-re-i-ma
^{1/3} *ma-na KÙ.BABBAR*
ša ki-ma ku-a-tí
 10 *i-ša-qú-lu-ni-im*
šu-ma lá iš-qú-lu-ni-im
 u.K. ^{1/2} *ma-na KÙ.BABBAR ša-ru-pá*
iš-pá
 Rs. *i-na Wa-aḥ-šu-ša=na*
 15 *ta-ša-qá-lam*
um-ma Sí-re-i-ma
a-ša-qá-lá-kum
kà-ru-um Kà¹-ni-iš
 TUR GAL *i-dí-ni-a-tí-ma*
kà-ru-um Kà¹-ni-iš
 TUR GAL *i-dí-ni-a-tí-ma*
 20 IGI *šu-ga-ri-a-en*
ša A-šur ší-bu-tí-ni
ni-dí-in
 IGI *A-mur*^d*UTU*
 IGI *Kur-ub-Ištar*

CTMMA I, 87b

- Kopie: CTMMA I, Pl. 92;
 Mus.-Nr.: MMA 1983.135.5b
 Foto: Siegel 38-39: CTMMA I, Pl. 149;
 Anm.: Hülle von 87a;
- Vs. 1 KIŠIB *A-mur*-^dUTU DUMU *Púzur-ì-lí*
 (Siegelabr. A/38)
 KIŠIB *Kur-ub-Ištar* DUMU *A-mur*-^dUTU
Púzur-A-šur a-na Sí-re-i ša A-bu-[ša]-lím
ú ša ki-ma Sí-re-i
- 5 *A-bi-a-a ú* DINGIR-*da-qí* (Ras.)
iš-ba-at-ni-a-tí-ma um-<ma> Púzur-A-šur-m[a]
a-na Sí-re-i-ma ¹/₃ *ma-na* KÙ.BABBA[R]
ša-ru-pá-am ša ki-ma ku-a-tí (Ras.)
i-ša-q[ú-lu-ni-i]m šu-ma KÙ.BABBAR
 (Siegelabr. A/38)
- 10 *lá iš-[qú-lu-ni-im]*
 (Siegelabr. B/39)
- u.K.
 Rs. ¹/₂ *ma-na* KÙ.BABBAR *ša-r[u-pá-a]m*
 (Siegelabr. B/39)
i-na Wa-aḥ-šu-ša-na
ta-ša-qá-lam / um-ma (Ras.)
Sí-re-i-ma a-ša-qá-lá-kum
- 15 *a-na a-wa-tim a-ni-a-tim*
kà-ru-um Kà-ni-iš TUR GAL
i-dí-ni-a-tí-ma
 (Siegelabr. B/39)
 IGI *šu-ga-ri-a-en*
- o.K. *ša-A-šur ší-bu-tí-ni*
 (Siegelabr. A/38)
- l.S. 20 *ni-dí-in*
 (Siegelabr. B/39)
- r.S. (2 × Siegelabr. A/38)

CTMMA I, 88a

- Kopie: CTMMA I, Pl. 93;
 Mus.-Nr.: MMA 66.245.19a;
 Lit.: Larsen, OAA I, 137;
 Anm.: Tafel zu 88b; gehört zu BIN 4, 154;
- Vs. 1 *a-na* $1/3$ *ma-na* $2\ 1/2$ GÍN =KÙ.BABBAR
bé-ú-lá-tí-šu
ša ^dUTU-*tap-pá-i*
Kur-ub-Ištar i-še-e-šu
- 5 *šu-ma* / ^dUTU-*tap-pá-i*
 ù DINGIR-*ma-lik* / *a-na*
ši-mì-im / *ta-ad=nu*
a-na ši-bi-šu-nu
- u.K. *e-ta-wu-ú*
- Rs. 10 *Na-ni-a*
Qá-ta-tum
 ù *Ú-šú-pí-iš-<ku>-um*
a-wi-lu-ú
a-ni-ú-tum
- 15 *da-a-nu*
 (Rest unbeschr.)

CTMMA I, 88b

- Kopie: CTMMA I, Pl. 93;
 Mus.-Nr.: MMA 66.245.19b
 Foto: Siegel 40-42: CTMMA I, Pl. 149-150;
 Siegel: SiC. CS 444b (Ušup-iškum DUMU Šu-Anim NU.BÀNDA), N. Özgüç,
 Seal Impr. Peruwa 135 Pl. 158/3, Dupl. kt a/k 424, kt n/k 1755-62,
 1764, 1841, 1938: SiB, kt 89/k 130, Teissier 43;
 Anm.: Hülle von 88a;
- Vs. 1 KIŠIB *Na-ni-a* DUMU *Ha-a-a*
 (Siegelabr. A/40: Nānīja)
 KIŠIB *Qá-ta-tim* DUMU *A-šur-i-mì-tí*
 KIŠIB *Ú-šú-pí-iš-ki-im*
 DUMU *Šu-A-nim*

- 5 *a-wi-lu-ú a-ni-ú-tum*
 (Siegelabr. A/40)
 [*d*] *a-a-nu*
 u.K. (Siegelabr. A/40)
 Rs. (Siegelabr.en)
 o.K. (Siegelabr. B/42)
 l.S. (Siegelabr. C/41: Qātātum)
 r.S. (Siegelabr. C/42)
 Si.42 1 *Ú-ší-pí-iš-ku-u[m]*
 DUMU *Šu-A-nim*

CTMMA I, 89a

- Kopie: CTMMA I, Pl. 94;
 Mus.-Nr.: MMA 66.245.14a
 Lit.: Larsen, OAA I, 144;
 Anm.: Tafel zu 89b;
- Vs. 1 1 1/2 *ma-na* KÙ.BABBAR
i-šé-er Í-lí-áš-ra=ni
ù^dUTU-tap-pá-i
A-šùr-na-da
 5 *i-šu iš-tù*
ḥa-mu-uš-tim
ša Šu-^dEn-líl
 u.K. *ú E-lá-lí*
 Rs. 2 1/2 GÍN.TA
 10 *i-na* ITU.1.KAM
a-na / 1 ma-na-im
ú-šú-bu 1 ri-ík-sú-um
ku-nu-ku-šu-nu ša KÙ.GI
a-na ša-pá-ar-tim
 15 *ú-kà-al*
 o.K. IGI *I-dí-a-bi₄-im*
 IGI ^dNIN.ŠUBUR-*ba-ni*

CTMMA I, 89b

- Kopie: CTMMA I, Pl. 94, 95;
Mus.-Nr.: MMA 66.245.14b
Siegel: StA/43: Teissier 463;
SiB/44: Teissier 517;
SiC/45: Teissier 324;
Foto: Siegel 43-45: CTMMA I, Pl. 150;
Anm.: Hülle von 89a;
- Vs. (Stempelsiegel A/43)
1 KIŠIB *I-dí-a-[b]i₄-im*
KIŠIB *Ì-lí-áš-ra-ni*
KIŠIB ^dUTU-*tap-pá-i*
KIŠIB ^dNIN.ŠUBUR-*ba-ni*
- 5 *ša hu-bu-ul*
(Siegelabr. B/44)
- u.K. (Siegelabr. C/45)
[*Ì-lí-áš-ra-ni*]
ú ^dUTU-*tap-pá-i*
- Rs. (Siegelabr. B/44)
ša ¹/₂ *ma-na* KÙ.BABBAR
iš-t[ù] ha-mu-uš-tim
- 10 *ša Šu-^dEn-líl*
ú *E-lá-li* 2 ¹/₂ GÍN.TA
i-na ITU.1.KAM *a-na* 1 *m[a-n]a-im*
ú-*šú-bu* KÙ.GI
(Siegelabr. C/45)
- o.K. [*r*]*i-ik-sú-um*
(Siegelabr. A/43)
- 15 *a-na ša-pá-ar-tim*
- l.S. *na-dí* KÙ.BABBAR *za-ku-am*¹
(Siegelabr. C/45)
i-ša-qú-lu
- r.S. (Siegelabr. B/44)

CTMMA I, 90a

- Kopie: CTMMA I, Pl. 96;
 Mus.-Nr.: MMA 66.245.17a
 Anm.: Tafel zur Hülle 90b;
- Vs. 1 6 *ma-na* KÙ.BABBAR
i-ṣé-er Ta-mu-ri=a
ù Iš-pu-nu-ma=an
A-šùr-i-dí
- 5 *i-šu iš-tù*
ḥa-mu-uš-tim
ša Ḥa-pì-a-aḥ-šu
ù Sú-kà-li-a
- ŠÀ.BA 2 *ma-na* KÙ.BABBAR
- u.K. 10 *ṣa-ru-pá-am*
a-na ḥa-ar-pè
- Rs. *i-ša-qú-lu*
 4 *ma-na* KÙ.BABBAR
e-zi-ib ni-ga-lim
- 15 *a-nim a-na ṣí-bi₄-it*
ni-ga¹-lim ša-<<ni>>-nim
i-ša-qú-lu šu-ma
i-na ú-me-šu-nu
ma-al-ú-tim
- o.K. 20 *lá iš-qú-lu a-na*
 1 *ma-na-im* 3 GÍN.TA
i-na ITU.KAM ú-ṣú-bu
- l.S. KÙ.BABBAR *i-na qá-qá-ad*
šál-mì-šu-nu ra-ki-is
- 25 IGI *Me-zi-ni* IGI *Da-da*
šé i ni

CTMMA I, 90b

- Kopie: CTMMA I, Pl. 97, 98;
 Mus.-Nr.: MMA 66.245.17b
 Siegel: SiA/46 (Mezini): Teissier 223;
 SiB/47 (Šu-Ḥubur DUMU Šu-Laba'a): Teissier 316;
 Foto: Siegel 46-49: CTMMA I, Pl. 151;
 Anm.: Hülle von 90a;

- Vs. (Siegelabr. A/46)
 1 KIŠIB *Be-zi-ni* KIŠIB *Da-da*
šé i zi KIŠIB *Ta-am-ri-a*
 DUMU *Du-ni-ni* KIŠIB *Iš-pu-nu-ma-an*
ša hu-bu-ul Ta-am-ri-a
 (Siegelabr. B/47)
 5 *ù Iš-pu-nu-ma-an*
 6 *ma-na KÙ.BABBAR i-na šé-ri-šu-nu*
- u.K. (Siegelabr. C/48)
 Rs. *A-šùr-i-dí i-šu iš-tù*
ha-mu-uš-tim ša Sú-kà-li-a
 (Siegelabr. C/48)
ù Ha-pì-a-ah-šu ŠÀ.BA 2 ma-na
- 10 KÙ.BABBAR *ša-ru-pá-am a-na ha-ar-pè*
i-ša-qú-lu 4 ma-na KÙ.BABBAR
e-zi-ib ni-ga-lim a-nim
ša i-lá-kà-ni
 (Siegelabr. D/49)
a-na ší-bi₄-it ni-ga-lim
- o.K. 15 *ša-ni-im i-ša-qú-lu šu-ma*
 (Siegelabr. D/49)
i-na u₄-me-šu-nu ma-al-ú-tim
- l.S. *lá iš-qú-lu 3 GÍN.TA*
i-na ITU.KAM a-na 1 ma-na-im
 (Siegelabr. A/46)
ú-šú-bu KÙ.BABBAR i-qá-qá-ad
- 20 *šál-mì-šu-nu ù ke-ni-šu-nu*
ra-ki-is
- r.S. (2 × Siegelabr. B/47)
- Si.47 1 *Šu-Hu-bu-ur*
 DUMU *Šu-La-ba-a*

CTMMA I, 91

- Kopie: CTMMA I, Pl. 99, 100;
Mus.-Nr.: MMA 66.245.22
Foto: Siegel 50-52: CTMMA I, Pl. 151-152;
Siegel: SiA/50: CS 704 (Sūsāja DUMU Šu-Ištar), N. Özgüç, Kültepe 1949, 235a+Abb. 690, Seal Impr. Peruwa Pl. 246/3, Dupl. CTMMA I, 93/b; SiC/50, CCT V 20b (CCT VI Si40), Collon, AOAT 27, Nr. 40, kt a/k 481, n/k 1887: SiB; Teissier 563, FS N. Özgüç 610/9;
- Anm.: Hülle;
Datum: (IV) [95+];
- Vs. (Siegelabr. A/50)
1 KIŠIB Šu-x-[x] D[UM]U [x]-ki-i[m[?]]
KIŠIB Sú-s[à]-a DUMU Šu-Ištar
(Siegelabr. A/50)
K[IŠ]IB I-ku-pí-a D[UMU ...]
(Siegelabr. B/52)
- u.K. [...] ša x [...] ša x [1] ma-na
Rs. 5 [KÙ.BABBAR ṣ]a-ru-p[á-am] i-šé-er
(Siegelabr. C/51)
Sú-sà-a Pu-šu-ke-en₆ ṛi-šu^ṛ
iš-tù ḥa-mu-uš-tim
ša Pu-zu-ta-a ù A-šùr=i-mì-[tí] (Ras.)
¹/₂ ma-na KÙ.BABBAR a-[na] 15
10 ḥa-am-ša-tim i-ša-qa[l]
¹/₂ ma-na KÙ.BABBAR ša-ni-am
a-na 30 ḥa-am-ša-tim
i-ša-qal / šu-ma lá iš-qú-u[l]
1 ¹/₂ GÍN.T[A] a-ma-na-im
(Siegelabr. A/50)
- l.S. 15 ṣí-[ib]-tám ú-ša- ITU.KAM
ma-ḥu-ur-DINGIR li-mu-um
(Siegelabr. C/51)
- o.K. ša qá-té A-šùr-i-dí [95+]
KÙ.BABBAR a-ni-am i-ší-[i]m-tí-a
a-ší-tám
- r.S. (Siegelabr. B/52)
- Si.51 1 ^dUTU
^dA-a

CTMMA I, 92a

- Kopie: CTMMA I, Pl. 101;
Mus.-Nr.: MMA 66.245.15a
Lit.: Larsen, OAA I, 139;
Anm.: Tafel zur Hülle 92b;
- Vs. 1 $9 \frac{2}{3}$ *ma-na* KÙ.BABBAR
ša-ru-pu-um ša Kà-ri-a
a-na A-šur-na-da
a-na e-bu-ṭim / i-dí-nu
5 *lu-qú-tum / iš-tù*
a-lim^{ki} / e-li-a-ma
A-šur-DU₁₀ ša KÙ.BABBAR
u.K. *a-nim / lu-qú-sú*
Rs. *il₅-qé / šu-ma*
10 *ma-ma-an a-na*
A-šur-na-da
i-tù-a-ar
A-šur-DU₁₀ ú-ba-áb=šu
IGI A-šur-dan
15 *IGI Im-dí-DINGIR*
o.K. *IGI Bu-ší-a*

CTMMA I, 92b

- Kopie: CTMMA I, Pl. 102;
Mus.-Nr.: MMA 66.245.15b
Siegel: SiA/53 (Būšija): Teissier 183;
SiB/55 (Imdílum): Teissier 231;
SiC/54 (Aššur-dān): Teissier 584;
SiD/56 (Aššur-ṭāb): Teissier 337;
Foto: Siegel 53, 54 (Ibbi-Sîn), 55-56: CTMMA I Pl. 152-153;
Anm.: Hülle von 92a;
- Vs. (Siegelabr. A/53)
1 KIŠIB *A-šur-dan* KIŠIB *Bu-ší-a*
KIŠIB *Im-dí-DINGIR* KIŠIB *A-šur-DU₁₀*
(Siegelabr. B/55)

- u.K. (Siegelabr. C/54)
 Rs. (Siegelabr. B/55)
ša 9 ²/₃ ma-na KÙ.BABBAR ša-ru-up
ša Kà-ri-a a-na A-šur-na-da
 5 *a-na e-bu-ṭim i-dí-nu*
 KÙ.BABBAR *ù ší-a-ma-tù-šu iš-tù*
a-lim^{ki} uš-a-ni-ma
 (Siegelabr. D/56)
lu-qú-sú A-šur-DU₁₀ il₅-qé
 o.K. *šu-ma ma-ma-an a-na*
 (Siegelabr. D/56)
 10 *[A-šur-na-da]*
 l.S. *[i-t]ù-a-ar A-šur-DU₁₀*
 (Siegelabr. A/53)
ú-ba-áb-šu
 r.S. (Siegelabr. C/54)
 Si.53 1 *Puzur₄-Ištar*
 DUMU *Šu-A-nim* NU.BÀNDA
 Si.54 1 *[^dI-bi-^dEN.ZU]*
 [LUGAL KA]L.GA
 [LUGAL Ú]RI.KI.MA
 [LUGAL AN.U]B.[DA LÍMMU.B]A
 5 UR.^d.LU[GAL].BÀN[DA]
 DUB.SA[R]
 DUMU UR.NÌGI[N.GAR]
 ÌR.[ZU]

CTMMA I, 93a

Kopie: CTMMA I, Pl. 103;
 Mus.-Nr.: MMA 66.245.16a
 Lit.: 5-6: Veenhof, JEOL 28, 13A.7;
 Anm.: Tafel zu 93b;

- Vs. 1 7 *ma-na KÙ.BABBAR*
ša-ru-pá-am ša i-šé-er
Qar-dum-^dIM (Ras.)
A-šur-ták-lá-ku i-šu-ú-ni=ma

- 5 KÙ.BABBAR^{um} / *i-na a-lim*^{ki}
ra-ak-sú / KÙ.BABBAR^{am}
A-šur-ták-lá-ku ša-bu
ṭup-pu-um ša 7 ma-na
KÙ.BABBAR^{im} / *ša i-li=a-ni*
- u.K. 10 *sà-ar IGI Šu-Lá-ba=an*
Rs. IGI *Sú-sà-a* }
IGI *Šu-Bé-lim*
(Rest unbeschr.)

CTMMA I, 93b

- Kopie: CTMMA I, Pl. 104;
Mus.-Nr.: MMA 66.245.16b
Siegel: SiA/57 (Ašur-taklāku DUMU Alaḥim): Dupl. ATHE 24B: SiF;
Teissier 347; Michel, AoF 35, 59A.27;
SiB/58: CS 744 (Šu-Labān DUMU Dān-ilī), VS XXVI, 91A: SiC/10,
kt n/k 1911: SiA; Teissier Nr. 565;
SiC/50: CS 704 (Sūsāja DUMU Šu-Ištar), N. Özgüç, Kültepe 1949,
235a+Abb. 690, Seal Impr. Peruwa Pl. 246/3, Dupl. CTMMA I,
91: SiA/50, CCT V 20b (CCT VI Si40), Collon, AOAT 27, Nr.
40, kt n/k 1887: SiB; Teissier 563, FS N. Özgüç 610/9; Larsen,
Beyond Babylon 75;
SiD/59: (Šu-Bēlim DUMU Kuzizīja); Teissier 524;
Foto: Larsen, Beyond Babylon 75;
Anm.: Hülle von 93a;
Vs. (Siegelabr. A/57)
1 [KIŠIB *Šu-L*]á-ba-an DUMU *Dan-nu-ì-lí*
[KIŠIB *Sú*]-sà-a DUMU [*Š*]u-Ištar
[KIŠIB] *A-šur-ták-lá-k*[u DU]MU *A-lá-ḥi=im*
(Siegelabr. B/58)
KIŠIB *Šu-Be-lim* DUMU *Ku-zi-zi-a*
(Siegelabr. B/58)
5 *7 ma-[na KÙ.BABBAR ša-ru-pá-a]m*
u.K. [*ša i-š*]é-e[r *Qar-dum*-^dIM]
Rs. (Siegelabr. C/50)
[*A-šur-t*]ák-lá-ku DUMU *A-lá-ḥi-im*
[*i-šu*]-ú-ni-ma KÙ.BABBA[R] *i-na a-lim*^{ki}
[*ra-ak-s*]ú KÙ.BABBAR^{um} *A-šur-ták-lá-ku ša-bu*

- 10 [tup-pu]-um ša 7 ma-na KÙ.BABBAR^{im}
 (Siegelabr. D/59)
 [ša] i-li-a-ni sà-ar
 o.K. (Siegelabr. D/59)
 r.S. (Siegelabr. C/50)
- Si.57 1 A-šùr-ták-lá-ku
 DUMU A-lá-ḫi-im
- Si.59 1 [...] x x

CTMMA I, 94a

Kopie: CTMMA I, Pl. 105;
 Mus.-Nr.: MMA 66.245.18a
 Lit.: 1-2: Dercksen, OACTA 35, 210;
 Anm.: Tafel zur Hülle 94b;

- Vs. 1 10 GÚ URUDU ma-sí-am
 SIG₅ ša i-še-er
 Sú-en₆-na-da
^dEn-líl-ba-ni a-ḫu-šu
- 5 i-šu-ú-ma tup-pu-šu
 ḫa-ar-ma-am ú-kà-lu-ni
 10 GÚ URUDU ša tup-pí-šu
 ḫa-ar-mì-im ša ḫu-bu=ul
 Sú-en₆-na-da
- u.K. 10 ^dEn-líl-ba-ni
 Rs. ša-bu / tup-pu=um
 ḫa-ar-mu-um
 ša ḫu-bu-ul
 Sú-en₆-na-da
- 15 ša e-li-a-ni
 sà-ar
 (Rest unbeschr.)

CTMMA I, 94b

Kopie: CTMMA I, Pl. 106;
 Mus.-Nr.: MMA 66.245.18b
 Foto: Siegel 60-62: CTMMA I, Pl. 154;
 Anm.: Hülle von 94a;

- Vs. 1 KIŠIB ^d*En-líl-ba-ni* DUMU
Iš-ma-A-šur KIŠIB *Šu-Lá-ba-an*
 (Siegelabr. A/60)
 DUMU *A-šùr*-^dUTU^{šⁱ} KIŠIB *En-um=A-šur*
 DUMU *Na-ra-am-Sú*
- 5 10 GÚ URUDU *ma-sí-am* SIG₅
 (Siegelabr. B/61)
ša i-šé-er Sú-en-na-da
- u.K. ^d*En-líl-ba-ni a-ḫu-šu*
 (Siegelabr. A/60)
i-šu-ú-ma ṭup-pu-šu ḫa-ar-ma-am
- Rs. *ú-kà-lu-ni* 10 GÚ URUDU
- 10 *ša ṭup-pì-šu*
 (Siegelabr. C/62)
^d*En-líl-ba-ni ša-bu*
ṭup-pu-um ḫa-ar-mu-um
ša ḫu-bu-ul
 (Siegelabr. A/60)
Sú-en-na-da ša e-li=a-ni
- o.K. 15 *sà-ar*
 (Siegelabr. B/61)
- l.S. (Siegelabr. C/62)
- r.S. (Siegelabr. C/62)

CTMMA I, 95

- Kopie: CTMMA I, Pl. 107;
 Mus.-Nr.: MMA 66.245.12
 Lit.: Larsen, CTMMA I, 140; Ulshöfer, FAOSB 4, 48 Nr. 17;
 15: ICK IV, S.337;

- Vs. 1 $\frac{1}{2}$ *ma-na* KÙ.BABBAR *ša E-na-nim*
 DUMU *Šu-Ḫu-bu-ur ra-ku-sà-ni*
Púzur-A-šur lá i-dí-nam
E-na-na-am a-šé-e
- 5 18 GÍN *ša* DUMU *E-lá-lí*
e-zi-bu um-ma Púzur-A-šùr-ma
mì-ma lá al-qé / KI
ša-zu-uz-tí-a
 $\frac{1}{3}$ *ma-na* 8 GÍN

- u.K. 10 KÙ.BABBAR *ša um-ma Lá-ma-sí-ma*
Púzur-A-šùr lá i-dí-nam
- Rs. *um-ma Púzur-A-šùr-ma*
a-dí-ší-im
 17 *ma-na* AN.NA *hu-lu-qá=e*
- 15 *ša šé-ep* DUMU *Ta-me-a*
Púzur-A-šùr lá i-dí-nam
 $5 \frac{2}{3}$ *ma-na* *Dan-A-šùr*
lá i-dí-nam AN.NA
ha-bu-lu-ni-šu?
- 20 $\frac{1}{2}$ *ma-na* 2 GÍN KÙ.BABBAR *ša*
a-pá-ni Al-be-lí
- o.K. *ú-šé-bi₄-lu-šu-ma um-ma*
Al-be-lí-ma ke-na
tù-šé-bi-lam
- l.S. 25 $\frac{1}{2}$ *ma-na* 2 GÍN *i-KÙ=ap*
Púzur-A-šur a-lá-qé

CTMMA I, 96

- Kopie: CTMMA I, Pl. 108;
 Mus.-Nr.: MMA 66.245.13
 Lit.: Larsen, CTMMA I, 141; OAA I, 160;
 Ulshöfer, FAOSB 4, 286;

- Vs. 1 1 *ma-na* LÁ 4 GÍN AN.NA
da-at TÚG.ĤI.A
ša Lá-ma-sí 16 GÍN
 AN.NA / *da-at* 2 TÚG.ĤI=A
- 5 *ša A-šur-na-da*
 $\frac{2}{3}$ *ma-na* 4 GÍN AN.NA
mu-ťá AN.NA
- u.K. $\frac{1}{2}$ *ma-na* 5 GÍN AN.NA
a-na TÚG.ĤI.A
- Rs. 10 *ša sà-e-tim*
 10 GÍN AN.NA *a-ta-ak=šé-er-tim*
 16 GÍN AN.NA *a-na =UDU*
ša Pu-ra-tim
 3 GÍN AN.NA *ší-im*

	15	<i>šé-ne-en₆ ša Ĥu-zi-a</i>
		15 GÍN AN.NA
o.K.		<i>a-na Ku-ur-ku-ur</i>
		<i>a-dí-in</i>
l.S.	10	GÍN.TA AN.NA
	20	<i>qá-qá-da-tum</i>
		<i>ik-šú-dam</i>

CTMMA I, 97

Kopie:	CTMMA I, Pl. 109;	
Mus.-Nr.:	MMA 66.245.23	
Lit.:	1-3: Michel, FS Garelli 254A.10; Si.64: Hecker, FS Larsen 283A.14;	
Foto:	Siegel 63-65: CTMMA I, Pl.155;	
Anm.:	Hülle;	
Vs.	(Siegelabr. A/63)	
	1	KI[SIB <i>kà</i>]- <i>ri-im</i> <i>Tu[r₄-hu-m]</i> - <i>ì-it</i> <i>ša-[he-er ra]</i> - <i>bi₄</i> [(Siegelabr.?)]
Rs.	(Siegelabr.en)	
o.K.	(Siegelabr. B/64)	
l.S.	(Siegelabr. B/64)	
r.S.	(Siegelabr. C/65)	
Si.63	1	[KIŠIB] <i>Puzur₄-^d[IM]</i> DU[MU] <i>Šu-Ĥu-bu-ur</i>
Si.65	1	<i>Ša-x-x-SI.SÁ</i> DUMU DU ₁₀ - <i>ì-lí</i>

CTMMA I, 98

Kopie:	CTMMA I, Pl. 156;	
Mus.-Nr.:	MMA 1977.371	
Foto:	CTMMA I Pl. 156;	
Anm.:	Briefhülle;	
Vs.	(nicht erhalten)	
Rs.	(Siegelabr. 67, 2 ×)	